

Jenný Lára Arnórsdóttir
f.h. sviðslistahópsins Hnoðri í norðri
<https://www.facebook.com/hnodrinordri>

6. maí 2024

Um umsagnaraðila:

Hnoðri í norðri var stofnaður árið 2022 og samanstendur af sex atvinnulistamönnum: Þórunni Guðmundsdóttur tónskáldi, Jennýju Láru Arnórsdóttur leikstjóra og leikmyndahönnuði, Björgu Mörtu Gunnarsdóttur búningahönnuði, Jóni Þorsteini Reynissyni harmonikkuleikara og söngkonunum Björk Níelsdóttur og Erlu Dóru Vogler.

Sviðslistahópurinn, sem gerir út frá Akureyri, býður upp á nýjar sérsamdar íslenskar óperur og söngleiki aðallega (en ekki einungis) fyrir börn.

Fyrsta sýning hópsins, Ævintýri á aðventunni, fór í alla grunnskóla frá Vopnafirði til Hvammstanga í desember 2022 í samvinnu við List fyrir alla og með góðum styrkjum. Sýningarnar voru alls 25. Sumarið 2023 var hópnum boðið að taka þátt í alþjóðlegri sviðslistahátíð fyrir barnasýningar (Bitolino) í Makedóníu með Ævintýrið, auk þess sem verkið var flutt á Akureyrarvöku og fyrir jólin hjá Handbendi á Hvammstanga, í Salnum á Aðventuhátíð í Kópavogi og í Samkomuhúsinu á Akureyri í samstarfi við MAK.

Önnur sýning hópsins, Skoffín og skringilmenni, fór í alla grunnskóla á Norðausturlandi í apríl 2024 með hjálp styrktaraðila og urðu sýningar alls 17.

Hnoðri í norðri hlaut Hvatningarverðlaun Eyrarrósarinnar 3. maí 2023 fyrir framlag sitt til menningar á landsbyggðinni.

Umsögn vegna breytingar á lögum um sviðslistir (Þjóðarópera):

Hnoðri í norðri styður eindregið breytingu á lögum um sviðslistir þannig að Þjóðarópera verði stofnuð með þeim hætti sem segir í frumvarpinu.

Hópurinn fagnar sérstaklega eftirfarandi:

- að Þjóðaróperu sé ætlað að standa fyrir samstarfi við landsbyggðina og sjálfstæða hópa.
- að grasrótahópar hvar sem er á landinu geti tekið þátt í starfi Þjóðaróperunnar og að ríkuleg áhersla verði lögð á samstarf við aðila á landsbyggðinni á við grasrót.
- að Þjóðaróperan hafi það hlutverk að annast fræðslu- og kynningarstarf og að standa fyrir samstarfsverkefnum í öllum landshlutum.

Það er greinilegt að Þjóðarópera muni verða mikil lyftistöng fyrir óperuformið – og að það verði fyrir alla á öllu landinu.